

魏

書

百衲本二十四史

魏書

四部叢刊史部

上海涵芬樓影印北平圖書館江安傅氏雙鑑樓吳興劉氏嘉業堂及涵芬樓藏宋蜀大字本原書板高二十三公分寬十九公分

魏書十二紀九十二列傳十志凡一百一十四篇舊分爲一百三十卷北齊尚書右僕射魏收撰初魏史官鄧淵崔浩高允皆作編年書遺落時事三不存一太和中李彪崔光始分紀傳表志之目宣武時邢巒撰高祖起居注崔鴻王遵業補續下逮明帝其後溫子昇作莊帝紀三卷濟陰王暉業撰辨宗室錄三十卷魏末山偉以代人諂附元天穆尔朱世隆與綦儁更主國書二十餘年事迹蕩然萬不記一北齊文宣天保

二年詔魏收修魏史博訪百家譜狀搜采遺軼
包舉一代始終頗爲詳悉收所取史官本欲才
不逮已故房延祐辛元植睦仲刀柔裴昂之高
孝幹皆不工纂述其三十五例二十五序九十
四論前後二表一啓咸出於收五年表上之悉
焚崔李舊書收黨齊毀魏褻貶肆情時論以爲
不平文宣命收於尚書省與諸家子孫訴訟者
百餘人評論收始亦辨荅後不能抗范陽盧斐
頓丘李庶太原王松年並坐謗史受鞭配甲坊

有致死者衆口沸騰號爲穢史時僕射楊愔高
正德用事收皆爲其家作傳二人深黨助之抑
塞訴辭不復重論亦未頒行孝昭皇建中命收
更加審覈收請寫二本一送并省一付鄴下欲
傳錄者聽之群臣競攻其失武成復敕收更易
刊正收旣以魏史招衆怨各齊亡之歲盜發其
冢棄骨于外隋文帝以收書不實平繪中興書
叙事不倫命魏澹顏之推辛德源更撰魏書九
十二卷以西魏爲正東魏爲僞義例簡要大矯

收繪之失文帝善之煬帝以澹書猶未盡善更
敕楊素及潘徽褚亮歐陽詢別修魏書未成而
素卒唐高祖武德五年詔侍中陳叔達等十七
人分撰後魏北齊周隋梁陳六代史歷年不成
太宗初從祕書奏罷修魏書止撰五代史高宗
時魏澹孫同州刺史克已續十志十五卷魏之
本系附焉唐書藝文志又有張大素後魏書一
百卷裴安時元魏書三十卷今皆不傳稱魏史
者惟以魏收書爲主焉孔子稱質勝文則野文

勝質則史三代文章莫盛於周東周秦漢雖戰
爭喪亂前古遺風餘烈流而未絕賢君忠臣蹈
道之徒功業行誼彰灼顯布高才秀士詞章論
議諫諍辯說嘉謀奇策皆可以驚聽動俗爲後
世軌範而左丘明司馬遷班固以良史之才博
學善叙事不虛美隱惡故傳之簡牘千餘年而
不磨滅東漢魏晉去聖人稍遠史官才益淺薄
永興失政戎狄亂華先王之澤掃地盡矣拓跋
氏乘後燕之衰蠶食并冀暴師喋血三十餘年

而中國略定其始也公卿方鎮皆故部落酋大
雖參用趙魏舊族往往以猜忌夷滅爵而無祿
故吏多貪墨刑法峻急故人相殘賊不貴禮義
故士無風節貨賂大行故俗尚傾奪遷洛之後
稍用夏禮宣武柔弱孝明沖幼政刑弛緩風俗
媮惡上下相蒙紀綱大壞母后亂於內群盜撓
其外禍始於六鎮釁成於介朱國分爲二而亡
矣雖享國百餘年典章制度內外風俗大抵與
劉石慕容苻姚略同道武太武暴戾甚於聰虎

孝文之彊不及苻堅其文章儒學之流旣無足
紀述謀臣辯士將帥功名又不可希望前世而
修史者言詞質俚取捨失衷其文不直其事不
核終篇累卷皆官爵州郡名號雜以冗委瑣曲
之事覽之厭而遺忘學者陋而不習故數百年
間其書亡逸不完者無慮三十卷今各䟽于逐
篇之末然上繼魏晉下傳周齊隋唐六十年廢
興大略不可闕也臣攷臣恕臣燾臣祖禹謹敘
目錄昧死上

魏書目錄

魏收撰

帝紀十二

十四卷

第一序紀

魏書一

成帝毛

節帝貸

莊帝觀

明帝樓

安帝越

宣帝推寅

景帝利

元帝俟

和帝肆

定帝機

僖帝

蓋

威帝

僧

獻帝

隣

聖武帝

詰汾

始祖神元帝

力微

文帝

沙漠汗

章帝

悉鹿

平帝

綽

思帝

弗

昭帝

祿官

桓帝

猗屯

穆帝

猗盧

太祖平文帝

鬱律

惠帝

賀傳

煬帝

紇那

烈帝

翳槐

昭成帝

什翼犍

第二

魏書二

太祖道武帝

珪

第三

魏書三

闕

太宗明元帝

嗣

第四上

魏書四

世祖太武帝

燾

第四下

魏書四

世祖太武帝

恭宗景穆皇帝

晃附

第五

魏書五



高宗文成帝

濬

第六

魏書六

顯祖獻文帝

弘

第七上

魏書七

高祖孝文帝

宏

第七下

魏書七

高祖孝文帝

第八

魏書八

世宗宣武帝

恪

第九

魏書九

肅宗孝明帝

訓

第十

魏書十

敬宗孝莊帝

子攸

第十一

魏書十一

前廢帝廣陵王

恭

後廢帝安定王

朗

出帝平陽王

脩

第十二

魏書十二

闕

孝靜帝

善見

列傳九十二 九十六卷

第一后妃

魏書十三 關

神元皇后竇氏

文帝皇后封氏

次妃
蘭氏

桓帝皇后祁氏

平文皇后王氏

昭成皇后慕容氏

獻明皇后賀氏 道武皇后慕容氏

道武宣穆皇后劉氏

明元昭哀皇后姚氏

明元密皇后杜氏 太武惠太
后竇氏

太武皇后赫連氏 太武敬哀皇后賀氏

景穆恭皇后郁久閭氏

文成昭太
后常氏

文成文明皇后馮氏

文成元皇后李氏 獻文思皇后李氏

孝文貞皇后林氏 孝文廢皇后馮氏

孝文幽皇后馮氏 孝文昭皇后高氏

宣武順皇后于氏 宣武皇后高氏

宣武靈皇后胡氏 孝明皇后胡氏

孝靜皇后高氏

第二神元平文諸帝子孫 魏書十四 關

上谷公紇羅

子襄城王題

建德公嬰文

真定侯陸

曾孫軌

武陵侯因

長樂王壽樂

望都公頽

曲陽侯素延

順陽公郁

宜都王目辰

穆帝長子六脩

吉陽男比干

江夏公呂

高涼王孤

六世孫華山王執鸞 長 葦子子華子華弟子思 孤六世孫上黨王天穆

西河公敦

司徒石

武衛將軍謂

子烏真 烏真子興都 興都子東陽王丕

淮陵侯大頭

河間公齊

孫志

扶風公處真

文安公泥

子屈 屈子磨渾

第三昭成子孫

魏書十五

闕

寔君

秦王翰

子衛王儀 儀子中山王箕

幹 幹子楨 楨子端 儀弟陰平王烈 秦王觚

常山王遵

子素 素子可 悉陵

可 悉陵弟子昭 昭子玄 忠子壽興 忠弟孫隄

紹一可 悉陵弟忠 忠子暉

陳留王虔

子朱提王銳 崇 虔兄顗 顗子嶠

毗陵王順

遼西公意烈

子拔干 拔干曾孫

洪超意烈弟子粟
渾渾子庫汗

窟咄

第四道武七王

魏書十六

清河王紹

陽平王熙

子臨淮王他
他曾孫世遵

世遵弟子忻之世遵弟禹
他孫法壽法僧

河南王曜

子潁川王提提子平原
平原子監和

河間王脩

略陽王羯兒

長樂王處文

廣平王連

南平王渾渾子霄
霄曾孫仲問

京兆王黎

江陽王繼繼子義
羅爽羅侯

第五明元六王

魏書十七

闕

樂平王丕

安定王彌

樂安王範

子良

永昌王健

子仁

建寧王崇

新興王俊

第六太武五王

魏書十八

闕

晉王伏羅

東平王翰

臨淮王譚

子提提子昌
孝友昌弟孚

昌子或

廣陽王建閭

子嘉嘉子深
深子湛

南安王余

第七上景穆十二王上

魏書十九

闕

陽平王新成

子頤衍
衍子融
衍弟欽欽子子孝

京兆王子推

子太興 太興孫侗 太興子仲景 暹 太興弟遙 栢

濟陰王小新成

孫弼 弼子暉業 昭業 鬱弟子誕 鬱弟麗 麗子顯和

汝陰王天賜

孫慶和 天賜子況 脩義

樂良王萬壽

曾孫 忠

廣平王洛侯

濟南王匡

第七中景穆十二王中

魏書十九

任城王雲

子澄 澄子彝 順 順子朗 澄弟嵩 嵩子世雋 嵩弟瞻

第七下景穆十二王下

魏書十九

南安王楨

子中山王英 英子熙 熙弟東平王略 略弟纂 熙弟義興 英弟怡

怡子魯郡王肅
東海王曄

城陽王長壽

子鸞 鸞子徽

章武王太洛

嗣王彬 彬子融
東安王凝

樂陵王胡兒

嗣惠譽

安定王休

子慶 願平
貴平

第八文成王

魏書二十

闕

安樂王長樂

子詮 斌之

詮子監

廣川王略

子諧

齊郡王簡

子祐

河間王若

嗣王琛

安豐王猛

子延明

第九上獻文王

魏書三十一

咸陽王禧

子翼 樹曄

趙郡王幹

子謚 譚 諶

廣陵王羽

子欣

高陽王雍

子端 昌樂王誕 獻

北海王詳

子顯 瑱

第九下獻文六王下魏書三十一

彭城王勰

子劭 子直 子正

第十孝文五王

魏書三十二

闕

廢太子恂

京兆王愉

子寶 炬

清河王懌

廣平王懷

汝南王悅

第十一

魏書三十三

衛操

衛雄 姬 儋

莫舍

孫題 雲

劉庫仁

弟眷 庫仁子顯
族人奴真 奴真兄捷

第十三

魏書二十四

燕鳳

許謙

子洛陽

張袞

孫誕 袞子度
度曾孫白澤

白澤子倫

崔玄伯

弟徽 鍾臄

崔寬 崔模

寬父剖 高陵

寬子衡 衡子敞

崔道固 道固兄子

僧祐

僧淵

僧淵子伯鳳

祖螭

祖虬

僧淵從弟

和子軌

董謚

謚父京

鄧淵

子穎 穎弟孫羨

穎孫述 羨子躋

穎子宗慶

第十三

魏書二十五

闕

長孫嵩

子頽 頽子敦

長孫道生

孫觀 觀子稚 稚子子彥

第十四

魏書二十六

長孫肥

子翰陳蘭肥弟孫真

尉古真

弟諾諾子眷眷子多侯

多侯弟子慶賓眷弟地干古真族玄孫瑾

第十五

魏書二十七

穆崇

孫真真子泰崇子觀觀子壽壽孫羅羅子建羅弟亮亮子紹壽弟多侯

觀弟曾孫弼觀弟顗崇宗人醜善醜善孫錢錢孫子琳良

第十六

魏書二十八

和跋

子歸

奚牧

莫題

庾業延

賀狄干

李栗

劉潔

古弼

張黎

第十七

魏書二十九

奚斤

子他賴 孫買奴
斤弟孫晃

叔孫建

子俊璘

第十八

魏書三十

王建

子斤 孫度
建曾孫樹

安同

子原 頡
同弟子難

樓伏連

兄曾孫毅

娥清

劉尼

奚眷

車伊洛

宿石

來大千

周幾

豆代田

周觀

閻大肥

尉撥

陸真

子延

呂洛拔

子文祖

第十九

魏書三十一

于栗磾

子洛拔 洛拔子烈烈子祚忠 景烈烈弟子昕烈弟果

第二十

魏書三十二

高湖

子謚 謚子樹生謚兄真拔弟腊兒腊兒子香腊兒弟微微子歸義湖弟曾孫幹

崔逞

子賸逞兄玄孫隆宗

封懿

子玄之玄之弟子磨奴族子回

回子顯之回兄瓊懿從兄子愷愷從孫靈祐回族叔軌軌子偉伯

第二十一

魏書三十三

宋隱

弟輔叔父洽洽子宣宣孫瓊

王憲

子嶷嶷子雲

屈遵

孫垣道賜道賜子拔

張蒲

子昭昭子靈符

谷渾

孫洪洪子頴頴子纂士恢

公孫表

子軌軌子徽徽子良軌弟質

質子邃邃子同慶

張濟

李先 孫子預

賈昇 子秀秀子雋
昇徙曾孫禎

禎兄子景雋
景興

薛提

第二十二

魏書三十四 闕

王洛兒

車路頭

盧魯元 子統內

陳建

萬安國 奚拔

第二十三

魏書三十五

崔浩

第二十四

魏書三十六

李順

子敷式式子憲 憲子希宗 憲式弟奔罔

罔子祐 族人秀林 秀林子裔 秀林從弟煥

族子肅

肅從弟瞰

瞰從弟仲璇

族人曄

曄族弟孝怡

族人熙

熙孫遺元

族孫同軌

第二十五

魏書三十七

司馬休之

子文思

司馬楚之

孫悅 楚之子躍

司馬景之

兄準之

司馬叔璠

子靈壽 靈壽弟仲明

司馬天助

第二十六

魏書二十八

刁雍

子肅 肅子整 雍族孫雙

王慧龍

子寶興 寶興子瓊 瓊子遵業

韓延之

袁式

第二十七

魏書三十九

李寶

子奉 承子韶 韶子瑾 韶弟彥虔 承弟茂

輔弟佐

佐子東

神雋

韶從弟仲遵 韶從叔思穆

第二十八

魏書四十

陸俟

子馥 馥子瑋 凱 凱子暉 恭之 馥弟麗

定國弟獻

獻子希道

希質

麗弟龍成 龍成子昶 俟族子雋

第二十九

魏書四十一

源賀

子懷 懷子子雍 子雍子延伯

第三十

魏書四十二

薛辯

子謹 謹子拔 拔子胤
拔弟孫慶之 拔弟子和

寇讚

子臻
臻子治

範

子道慎
範弟子暉

韓秀

子務

暄

第三十一

魏書四十三

嚴稜

毛脩之 朱脩之

唐和 兄子玄達

劉休賓 子文暉

房法壽

房堅 法壽從弟伯玉 從祖弟崇吉
崇吉從弟士達 法壽族子景伯 景先

景遠

第三十二

魏書四十四

羅結

子斤斤孫伊利

伊穢

孫益生

乙瓌

子乾歸乾歸孫瓌

和其奴

苟頽

薛野睹

子虎子
虎子子曇尚

宇文福

子延

費于

孫穆

孟威

第三十三

魏書四十五

韋閼

孫雋從叔道福道福從孫元恢閼從子崇族弟珍珍子續或肫梁穎穎族曾孫嵩遵

蘇湛姜儉

杜銓

族孫顥

裴駿

子修修子詢駿從弟安祖

修弟宣

辛紹先

孫祥少雍
穆子子馥

紹先子穆

柳崇

第三十四

魏書四十六

竇瑾

子遵

許彥

子宗之宗之兄曾孫絢
許赤虎

李訢

第三十五

魏書四十七

盧玄

子度世度世子淵淵子道將道虔道約
淵弟子義僖淵弟昶昶子元明玄從祖兄溥

第三十六

魏書四十八

高允

孫綽允弟推
劉模

第三十七

魏書四十九

李靈

子恢恢孫悅恢弟子道
道子系系子宣茂

崔鑒

子秉秉子仲哲

第三十八

魏書五十

尉元

子羽

慕容白曜

子真安
弟子契

第三十九

魏書五十一

韓茂

子均

皮豹子

子喜

封勅文

呂羅漢

祖顯父溫

孔伯恭

第四十

魏書五十二

趙逸

兄溫從玄孫超宗
令勝還叔隆

胡方回

胡叟

宋繇

曾孫稚

張湛

兄懷義

宋欽

段承根

父暉

闕駟

劉昞

趙柔

索敞

陰世隆

陰仲達

弟子遵和
遵和兄子道方

第四十一

魏書五十三

李孝伯

父曾
安世兄祥
祥子安世
子瑒郁

李冲

第四十二

魏書五十四

游雅

高閭

第四十三

魏書五十五

游明根

子肇

劉芳

子獻 獻子騰
芳從子思祖

芳從子懋 芳族兄僧利
僧利子世明 鄭演子長猷

第四十四

魏書五十六

鄭羲

子懿 伯猷

道昭 輯之

道昭子嚴祖 羲兄孫幼儒
羲弟連山 連山孫先護

羲從兄孫季亮

崔辨

子逸 逸子巨倫
逸弟模楷

第四十五

魏書五十七

高祐

孫顯諒

崔挺

子孝芬孝芬子勉

孝演

孝直

孝政

挺弟振

振子子朗

挺從父

弟元珍

從祖弟敬邕

敬邕從弟接

挺族子纂

纂從祖弟遊

纂從祖弟遊

第四十六

魏書五十八

楊播

子侃

播弟椿

椿子昱

昱子孝邕

津子遁

第四十七

魏書五十九

劉昶

子輝

劉武英

蕭寶寅

兄子贊

蕭正表

第四十八

魏書六十

韓麒麟

孫子熙麒麟子顯宗

程駿

從祖弟子靈虬

第四十九

魏書六十一

薛安都

孫靈真度子懷吉懷儁安都從弟真度

畢眾敬

子元賓元賓子祖栝祖暉眾敬弟子聞慰申纂常珍奇

沈文秀

房天樂文秀族子陵

張讜

田益宗

董靈陳伯之

孟表

第五十

魏書六十二

李彪

子志

高道悅

第五十一

魏書六十三

王肅

兄子誦
衍翊

宋弁

子維紀

第五十二

魏書六十四

郭祚

張彝

子始均

第五十三

魏書六十五

邢巒

子遜
巒從叔
巒弟晏

李平

子獎諧

第五十四

魏書六十六

李崇

子世哲
神軌

崔亮

從弟光韶
光伯

第五十五

魏書六十七

崔光

子勵 光弟敬友
光從弟長文

敬友子鴻 鴻子子元
長文從弟庠

第五十六

魏書六十八

甄琛

子侃 楷琛從弟密
張纂纂從弟宣軌

高聰

第五十七

魏書六十九

崔休

裴延雋

從叔子夙
從弟良

良從兄子慶孫
景顏

延雋從弟仲規
延雋族兄聿

仲規弟子景融
族人瑗

袁翻

第五十八

魏書七十

劉藻

子紹珍

傅永

傅豎眼

祖父融
子敬和

伯父靈慶
從子文驥

父靈越

李神

第五十九

魏書七十一

裴叔業

孫譚
彥先子約

諱之
兄子彥先

彥先弟絢叔業兄子植

颺

粲

衍尹挺

柳玄達

玄達子遠

弟子諧

楊令寶

韋伯昕

魏承祖

皇甫瑒

梁祐

閻慶胤

柳僧習

夏侯道遷

子史

李元護

子會

席法友

王世弼

子田

江悅之

子文遙
文遙子果
龐樹
李忻榮

張元亮

士孫天與

羅道珍

王安世

辛謚

姜永

永弟漾

庾導

皇甫微

淳于誕

李苗

第六十

魏書七十二

陽尼

從孫藻藻子弼藻從弟固

賈思伯

弟思同

李叔虎

從子長仁長仁從子象

路恃慶

弟思令從叔雄雄從弟法常

房亮

曹世表

潘永基

朱元旭

第六十一

魏書七十三

奚康生

子難

楊大眼

崔延伯

第六十二

魏書七十四

尔朱榮

第六十三

魏書七十五

尔朱兆

尔朱彥伯

弟仲遠世隆世承弼

尔朱度律

尔朱天光

第六十四

魏書七十六

盧同

張烈

弟僧皓

第六十五

魏書七十七

宋翻

弟道璵

辛雄

從兄纂族祖琛琛子悠

琛族子珍之

羊深

楊機

高崇

子謙之
謙之子子儒

緒崇子道穆

第六十六

魏書七十八

孫紹

張普惠

第六十七

魏書七十九

成淹

子霄

范紹

劉桃符

劉道斌

董紹

馮元興

曹道曹昇
曹昂

鹿愈

張熠

第六十八

魏書八十

朱瑞

叱列延慶

斛斯椿

賈顯度

弟智

樊子鵠

賀拔勝

弟岳

侯莫陳悅

侯淵

第六十九

魏書八十一

闕

綦儁

山偉

劉仁之

宇文忠之

第七十

魏書八十二 關

李琰之

祖瑩

常景

第七十一上外戚上

魏書八十三 關

賀訥

弟盧從弟悅
悅子泥

劉羅辰

姚黃眉

杜超 弟子元寶

賀迷

閻毗 常英

馮熙

子誕脩
誕子穆

李峻

李惠

從孫侃晞

第七十二下外戚下 魏書八十三

闕

高肇

子植

于勁

胡國珍

兄曾孫虔

李延寔

第七十二儒林

魏書八十四

不全

梁越

盧醜

張偉

梁祚

平恒

陳竒

常爽

劉獻之

張吾貴

劉蘭

孫惠蔚

徐遵明

董徵

刁冲

盧景裕

李同軌

李業興

第七十三文苑

魏書八十五

闕

索躍

子聿脩

裴敬憲

盧觀

封肅

邢臧

裴伯茂

邢昕

溫子昇

第七十四孝感

魏書八十六

闕

趙琰

長孫慮

乞伏保

孫益德

董洛生

楊引

閻元明

令狐仕皇甫奴
董吐渾兄養

吳采心達

崔承宗

王續生

李顯達

張昇

倉跋

王崇

郭文恭

第七十五節義 魏書八十七 闕

于什門

段進

石文德

趙令安
孟蘭強

汲固

王玄威

婁提

蛭拔寅

劉渴侯

朱長生

于提

馬八龍

門文愛

晁清

劉侯仁

石祖興

邵洪哲

王榮

胡小虎

孫道登

李几

張安祖

王閭

劉業興蓋雋

第七十六良吏

魏書八十八

張恂

鹿生

張應

宋世景

子季儒

路邕

閻慶脩

明亮

杜纂

裴佗

竇瑗

羊敦

蘇淑

第七十七酷吏

魏書八十九

闕

于洛侯

胡泥

李洪之

高遵

張赦提

趙霸

羊祉

崔暹

酈道元

谷楷

第七十八逸士

魏書九十

眭夸

馮亮

李謐

鄭脩

第七十九術藝

魏書九十一

不全

晁崇

張淵

徐路 高崇祖
孫儻 花信都芳

邢紹

王早

耿玄

劉靈助

汪式

周澹

李脩

徐蹇

王顯

崔彥

蔣少遊

侯文和 范霽兒

第八十列女

魏書九十二 不全

崔覽妻封氏

封卓妻劉氏

魏溥妻房氏

胡長命妻張氏

平原女子孫氏

房愛親妻崔氏

涇州貞女兒先氏

姚氏婦楊氏

張洪初妻劉氏

董景起妻張氏

陽尼妻高氏

史映周妻耿氏

任城國太妃孟氏

苟金龍妻劉氏

盧元禮妻李氏

河東孝女姚氏

刀思遵妻魯氏

第廿一恩倖 魏書九十三

王叡

子襲 椿 椿妻魏氏
叡弟子翔 靜

王仲興

寇猛

趙脩

茹皓

劉胄 常季賢
陳掃靜 徐義恭

趙邕

侯剛

鄭儼

徐紇

第廿二閹官

魏書九十四

宗愛

仇洛齊

子儼

段霸

王琚

趙黑

子熾

孫小

張宗之

妻兄子蕭彥

劇鵬

兄買奴李豔

張祐

子慶

抱疑

從弟老壽
石榮

王遇

苻承祖

王質

李堅

秦松

白整

劉騰

賈粲

楊範

成軌

王溫

孟鸞

平季

封津

兄憑

劉思逸

張景嵩 毛暢

第八十三

魏書九十五

匈奴劉聰

父淵子繁
淵族子曜

羯胡石勒

子大雅
從子虎

虎子世遵

鑒

舟閔

鐵弗劉虎

子務桓
閔晒頭

務桓子悉勿祈衛辰

衛辰子屈子屈子子昌定

徒河慕容廆

子元真
元真子儁

儁子暉

泓冲

廆弟孫永元真子垂垂子寶蘭汗

寶子盛

垂子熙

高雲

元真子德德兄子超

臨渭氏苻健

父洪子生
丕族子登

健弟子堅堅子丕
登子崇

姜姚萇

父弋仲兄襄子興興子泓

略陽氏吕光

子紹纂纂從弟隆

第八十四

魏書九十六

僭晉司馬叡

子紹紹子衍岳岳子聃

德文

竇李雄

父特叔父流兄班雄子期

特弟子壽壽子勢

第八十五

魏書九十七

島夷桓玄

海夷馮跋

弟文通

島夷劉裕

子義符義隆義隆子劭駸駸子子業義隆子彧彧子昱隼

第八十六

魏書九十八

島夷蕭道成

子蹟蹟孫昭業道成兄子鸞
鸞子寶卷寶融

島夷蕭衍

第八十七

魏書九十九

私署涼州牧張寔

父軌寔弟茂寔子駿
駿子重華重華子曜靈

駿子祚重華子玄靖
駿子天錫

鮮卑乞伏國仁

子熾磐
熾磐子

暮末

鮮卑秃髮烏孤

弟利
鹿孤

傳檀

私署涼王李暠

子歆
恂

盧水胡沮渠蒙遜

子牧犍秉牧犍兄子萬年
祖蒙遜子安周無諱

第八十八

魏書二百

高句麗

百濟

勿吉

失韋

豆莫婁

地豆于

庫莫奚

契丹

烏洛侯

第八十九

魏書二百一

關

氐楊難敵

吐谷渾

乙弗勿敵國
阿蘭國女王國

宕昌羌

高昌

鄧至

蠻

獠

第九十

魏書一百三

闕

西域

鄯善 權於摩

且末

于闐

蒲山

悉居半

焉耆

龜茲

姑默

溫宿

尉頭

烏孫

疏勒

悅般

者至拔

迷密

悉萬斤

忸密

洛那

栗特

波斯

伏盧屋

色知顯

伽色泥

薄知

牟知

阿弗太汗

呼似密

諾色波羅

早伽至

伽不單

者舌

第九十一

魏書一百三

闕

伽倍

折薛莫孫

鉗敦

弗敵沙

閭浮謁

大月氏

安息

大秦

阿鈎羌

波路

小月氏

罽賓

吐呼羅

南天竺

疊伏羅

拔豆

厭達

朱居

渴槃陁

鉢和

波知

康國

乾陀

蠕蠕

匈奴宇文莫槐

徒河段就六眷

高車

吐突隣部
紇突隣紇奚

侯呂隣部
黠弗素古延部

薛干部
越勒倍泥部

破多蘭部

第九十二

魏書二百四

闕

序傳

志十

二十卷

第一

魏書二百五

天象一之一

第二

魏書二百五

天象一之二

第三

魏書二百五

闕

天象一之三

第四

魏書二百五

闕

天象一之四

第五

魏書二百六

地形二上

第六

魏書二百六

地形二中

第七

魏書一百六

地形二下

第八

魏書一百七

律歷三上

第九

魏書一百七

律歷三下

第十

魏書一百八

禮四之一

第十一

魏書一百八

禮四之二

第十二

魏書二百八

禮四之三

第十三

魏書二百八

禮四之四

第十四

魏書二百九

樂

第十五

魏書二百十

食貨

第十六

魏書一百一十一

刑罰

第十七

魏書一百一十二

靈徵上

第十八

魏書一百一十三

靈徵下

第十九

魏書一百一十四

官氏

第二十

魏書一百一十五

釋老

魏書目錄

序紀第一

魏書一



昔黃帝有子二十五人或內列諸華或外分荒服昌意少子受封北土國有大鮮卑山因以爲號其後世爲君長統幽都之北廣漠之野畜牧遷徙射獵爲業淳樸爲俗簡易爲化不爲文字刻木紀契而已世事遠近人相傳授如史官之紀錄焉黃帝以土德王北俗謂土爲托謂后爲跋故以爲氏其裔始均入仕堯世逐女魃於弱水之北民賴其勤帝舜嘉之命爲田祖爰歷三

代以及秦漢獯粥獫狁山戎匈奴之屬累代殘
暴作害中州而始均之裔不交南夏是以載籍
無聞焉積六十七世至成皇帝諱毛立聰明武
略遠近所推統國三十六大姓九十九威振北
方莫不率服崩

節皇帝諱貸立崩

莊皇帝諱觀立崩

明皇帝諱樓立崩

安皇帝諱越立崩

宣皇帝諱推寅立南遷大澤方千餘里壓昏
冥沮洳謀更南徙未行而崩

景皇帝諱利立崩

元皇帝諱俟立崩

和皇帝諱肆立崩

定皇帝諱機立崩

僖皇帝諱蓋立崩

威皇帝諱僧立崩

獻皇帝諱隣立時有神人言於國曰此土荒遐

未足以建都邑宜復徙居帝時年衰老乃以位授子

聖武皇帝諱詰汾獻帝命南移山谷高深九難八阻於是欲止有神獸其形似馬其聲類牛先行導引歷年乃出始居匈奴之故地其遷徙策略多出宣獻二帝故人並號曰推寅蓋俗云鑽研之義初聖武帝嘗率數萬騎田於山澤欵見輜輶自天而下既至見美婦人侍衛甚盛帝異而問之對曰我天女也受命相偶遂同寢宿旦

請還曰明年周時復會此處言終而別去如風
雨及碁帝至先所田處果復相見天女以所生
男授帝曰此君之子也善養視之子孫相承當
世爲帝王語訖而去子即始祖也故時人諺曰
詰汾皇帝無婦家力微皇帝無舅家帝崩
始祖神元皇帝諱力微立生而英叡

元年歲在庚子先是西部內侵國民離散依於
沒鹿回部大人竇賓始祖有雄傑之度時人莫
測後與賓攻西部軍敗失馬步走始祖使人以

所乘駿馬給之賓歸令其部內求與馬之人當
加重賞始祖隱而不言父之賓乃知大驚將分
國之半以奉始祖始祖不受乃進其愛女賓猶
思報恩固問所欲始祖請率所部北居長川賓
乃敬從積十數歲德化大洽諸舊部民咸來歸
附

二十九年賓臨終戒其二子使謹奉始祖其子
不從乃陰謀爲逆始祖召殺之盡并其衆諸部
大人悉皆款服控弦上馬二十餘万

三十九年遷於定襄之盛樂夏四月祭天諸部
君長皆來助祭唯白部大人觀望不至於是徵
而戮之遠近肅然莫不震懾始祖乃告諸大人
曰我歷觀前世匈奴蹋頓之徒苟貪財利抄掠
邊民雖有所得而其死傷不足相補更招寇讎
百姓塗炭非長計也於是與魏和親

四十二年遣子文帝如魏且觀風土魏景元二
年也文皇帝諱沙漠汗以國太子留洛陽爲魏
賓之冠聘問交市往來不絕魏人奉遺金帛繒

繫歲以方計始祖與隣國交接篤信推誠不爲倚伏以要一時之利寬恕任真而遐邇歸仰魏晉禪代和好仍密始祖春秋已邁帝以父老求歸晉武帝具禮護送

四十八年帝至自晉

五十六年帝復如晉其年冬還國晉遺帝錦罽繒綵綿絹諸物咸出豐厚車牛百乘行達并州晉征北將軍衛瓘以帝爲人雄異恐爲後患乃密啓晉帝請留不遣晉帝難於失信不許瓘復

請以金錦賂國之大人令致閒隙使相危害晉
帝從之遂留帝於是國之執事及外部大人皆
受瑾貨

五十八年方遣帝始祖聞帝歸大悅使諸部大
人詣陰館迎之酒酣帝仰視飛鳥謂諸大人曰
我爲汝曹取之援彈飛丸應弦而落時國俗無
彈衆咸大驚乃相謂曰太子風彩被服同於南
夏兼奇術絕世若繼國統變易舊俗吾等必不
得志不若在國諸子習本淳樸咸以爲然且離

間素行乃謀危害並先馳還始祖問曰我子旣
歷他國進德何如皆對曰太子才藝非常引空
弓而落飛鳥是似得晉人異法怪術亂國害民
之兆惟願察之自帝在晉之後諸子愛寵日進
始祖年踰期頤頗有所惑聞諸大人之語意乃
有疑因曰不可容者便當除之於是諸大人乃
馳詣塞南矯害帝旣而始祖甚悔之帝身長八
尺英姿瓌偉在晉之日朝士英俊多與親善雅
爲人物歸仰後乃追謚焉其年始祖不豫烏丸

王庫賢親近任勢先受衛瓘之貨故欲沮動諸部因在庭中礪鉞斧諸大人問欲何爲荅曰上恨汝曹讒殺太子今欲盡收諸大人長子殺之大人皆信各各散走始祖壽崩凡饗國五十八年年一百四歲太祖即位尊爲始祖

章皇帝諱悉鹿立始祖之子也諸部離叛國內紛擾饗國九年而崩

平皇帝諱綽立章帝之少弟也雄武有智略威德復舉

七年匈奴宇文部大人莫槐爲其下所殺更立
莫槐弟普撥爲大人帝以女妻撥子丘不懃帝
饗國七年而崩

思皇帝諱弗立文帝之少子也聰哲有大度爲
諸父兄所重政崇寬簡百姓懷服饗國二年而
崩

昭皇帝諱祿官立始祖之子也分國爲三部帝
自以一部居東在上谷北濡源之西東接宇文
部以文帝之長子桓皇帝諱猗鉞統一部居代

郡之參合陂北以桓帝之弟穆皇帝諱猗盧統一部居定襄之盛樂故城自始祖以來與晉和好百姓乂安財畜富實控弦騎士四十餘萬是歲穆帝始出并州遷雜胡北徙雲中五原朔方又西渡河擊匈奴烏桓諸部自杏城以北八十里迄長城原來道立碣與晉分界

二年葬文帝及皇后封氏初思帝欲改葬朱果而崩至是述成前意焉晉成都王司馬穎遣從事中郎田思河間王司馬顥遣司馬斬利并州

刺史司馬騰遣主簿梁天並來會葬遠近赴者二十萬人

二年桓帝度漠北廵因西略諸國

四年東部未耐婁大人倍斤入居遼東

五年宇文莫虜之子遜昵延朝貢帝嘉其誠款以長女妻焉

七年桓帝至自西略諸降附者二十餘國凡積五歲今始東還

十年晉惠帝爲成都王穎逼留在鄴匈奴別種

劉淵反於離石自號漢王并州刺史司馬騰來
乞師桓帝率十餘萬騎帝亦同時大舉以助之
大破淵衆於西河上黨會惠帝還洛騰乃辭師
桓帝與騰盟於汾東而還乃使輔相衛雄段繁
於參合陂西累石爲亭樹碑以記行焉

十一年劉淵攻司馬騰騰復乞師桓帝以輕騎
數千救之斬淵將慕容豚淵南走蒲子晉假桓
帝大單于金印紫綬是歲桓帝崩帝英傑魁岸
馬不能勝常乘安車駕大牛牛角容一石帝

曾中蠱歐吐之地仍生榆木參合陂土無榆樹故
世人異之至今傳記帝統部凡十年後定襄
侯衛操樹碑於大邦城以頌功德子晉根代立
十二年賓人李雄僭帝號於蜀自稱大成
十三年昭帝崩徒何大單于慕容廆遣使朝貢
是歲羯胡石勒與晉馬牧帥汲桑反

穆皇帝天姿英特勇略過人昭帝崩後遂摠
攝三部以爲一統

元年劉淵僭帝號自稱大漢

三年晉并州刺史劉琨遣使以子遵爲質帝嘉
其意厚報饋之白部大人叛入西河鐵弗劉虎
舉衆於鴈門以應之攻琨新興鴈門二郡琨來
乞師帝使弟子平文皇帝將騎二万助琨擊之
大破白部次攻劉虎屠其營落虎收其餘燼西
走度河窟居朔方晉懷帝進帝大單于封代公
帝以封邑去國懸遠民不相接乃從琨求句主
陁北之地琨自以託附聞之大喜乃徙馬邑陰
館樓煩繁峙崞五縣之民於陁南更立城邑盡

獻其地東接代郡南連西河朔方方數百里帝
乃徙十万家以充之劉琨又遣使乞師救洛陽
帝遣步騎二万助之晉太傅東海王司馬越辭
以洛中飢饉師乃還是年劉淵死子聰僭立
四年劉琨牙門將牙延據新興叛招引劉聰帝
遣軍討之聰退走

五年劉琨遣使乞師以討劉聰石勒帝以琨忠
義矜而許之會聰遣其子粲襲晉陽害琨父母
而據其城琨來告難帝大怒遣長子六脩桓帝

子普根及衛雄范班姬澹等爲前鋒帝躬統大衆二十萬爲後繼粲懼焚輜重突圍遁走縱騎追之斬其將劉儒劉豐簡令張平邢延伏尸數百里琨來拜謝帝以禮待之琨固請進軍帝曰吾不早來致卿父母見害誠以相愧今卿已復州境然吾遠來士馬疲弊且待終舉賊矣可盡乎饋琨馬牛羊各千餘車令百乘又面動銳戍之而還是年晉雍州刺史賈匹京兆太守閻鼎以晉懷帝爲劉聰所執共立懷帝兄子秦王業

爲太子於長安稱行臺帝復戒嚴與琨更剋大
舉命琨自列晉行臺部分諸軍帝將遣十萬騎
從西河鑒谷南出晉軍從蒲坂東度會於平陽
就食聰粟迎復晉帝事不果待

六年城盛樂以爲北都脩故平城以爲南都帝
登平城西山觀望地勢乃更南百里於灋水之
陽黃瓜堆築新平城晉人謂之小平城使長子
六脩鎮之統領南部

七年帝復與劉琨約期會於平陽會石勒擒王

浚國有匈奴雜胡萬餘家多勒種類聞勒破幽
州乃謀爲亂欲以應勒發覺伏誅討聰之計於
是中止

八年晉愍帝進帝爲代王置官屬食代常山
郡帝忿聰勒之亂志欲平之先是國俗寬簡民
未知禁至是明刑峻法諸部民多以違命得罪
凡後期者皆舉部戮之或有室家相攜而赴死
所人問何之荅曰當往就誅其威嚴伏物皆此
類也

九年帝召六脩六脩不至帝怒討之失利乃微服民間遂崩普根先守外境聞難來赴攻六脩滅之衛雄姬澹率晉人及烏丸三百餘家隨劉遵南奔并州普根立月餘而薨普根子始生相帝后立之其冬普根子又薨是年李雄遣使朝貢

平文皇帝諱鬱律立惠帝之子也姿質雄壯甚有威略

元年歲在丁丑

二年劉虎據朔方來侵西部帝逆擊大破之虎
單騎迸走其從弟路孤率部落內附帝以女妻
之西兼烏孫故地東吞勿吉以西控弦上馬將
有百万劉聰死子粲僭立爲其將靳準所殺淵
族子曜僭立帝聞晉愍帝爲曜所害顧謂大臣
曰今中原無主天其資我乎劉曜遣使請和帝
不納是年司馬叡僭稱大位於江南

三年石勒自稱趙王遣使乞和請爲兄弟帝斬
其使以絕之

四年私署涼州刺史張茂遣使朝貢

五年僭晉司馬叡遣使韓暢加崇爵服帝絕之
治兵講武有平南夏之意桓帝后以帝得衆心
恐不利於己子害帝遂崩大人死者數十人天
興初尊曰太祖

惠皇帝諱賀儉立桓帝之中子也以五年爲元
年未親政事太后臨朝遣使與石勒通和時人
謂之女國使

二年司馬叡死子紹僭立

四年帝始臨朝以諸部人情未悉款順乃築城於東木根山徙都之是年張茂死兄寔子駿立遣使朝貢

五年帝崩是年司馬紹死子衍僭立

煬皇帝諱紇那立惠帝之弟也以五年爲元年三年石勒遣石虎率騎五千來寇邊部帝御之於句注陁北不利遷於大寧時烈帝居於舅賀蘭部帝遣使求之賀蘭部帥謁頭擁護不遣帝怒召宇文部并勢擊謁頭宇文衆敗帝還大寧

四年石勒擒劉曜

五年帝出居於宇文部賀蘭及諸部大人共立
烈帝

烈皇帝諱翳槐立平文之長子也以五年爲元
年石勒遣使求和帝遣弟昭成皇帝如襄國從
者五千餘家

二年石勒僭立自稱大趙王

五年勒死子大雅僭立慕容廆死子元真代立
六年石虎廢大雅僭立李雄死兄子班立雄子

期叔班自立

七年藹頭不修臣職召而戮之國人復貳煬帝
自宇文部還入諸部大人復奉之

煬皇帝復立以七年爲後元年烈帝出居於鄴
石虎奉第宅伎妾奴婢什物

三年石虎遣將李穆率騎五千納烈帝於大寧
國人六千餘落叛煬帝煬帝出居於慕容部
烈皇帝復立以三年爲後元年城新盛樂城在
故城東南十里一年而崩

昭成皇帝諱什翼犍立平受之次子也生而奇偉實仁大度喜怒不形于色身長八尺隆準龍顏立髮委地卧則乳垂至席烈帝臨崩顧命曰必迎止諱社稷可安烈帝崩帝弟孤乃自詣鄴奉迎與帝俱還事在孤傳十一月帝即位於繁時之北時年十九稱建國元年是歲李雄從弟壽綏期僭立自號曰漢

二年春始置百官分掌衆職東自濊貊西及破洛那莫不款附夏五月朝諸大人於參合陂議

欲定都灋源川連日不決乃從太后計而止語
在皇后傳婢慕容元真妹爲皇后

三年春移都於雲中之盛樂宮

四年秋九月築盛樂城於故城南八里皇后慕容氏崩冬十月劉虎寇西境帝遣軍逆討大破之虎僅以身免虎死子務桓立始來歸順帝以女妻之十一月慕容元真遣使朝貢并薦其宗女

五年夏五月幸參合陂秋七月七日諸部畢集

設壇埒講武馳射因以爲常八月還雲中是年
秋司馬衍死弟岳僭立

六年秋八月慕容元真遣使請薦女是年李壽
死子勢僭立遣使朝貢

七年春二月遣大人長孫秩迎后慕容氏元真
之女於境夏六月皇后至自和龍秋七月慕容
元真遣使奉聘求交婚帝許之九月以烈帝女
妻之其年司馬岳死子聃僭立

八年慕容元真遣使朝貢是年張駿私暑假涼

九年石虎遣使朝貢是年張駿死子重華代立
十年遣使詣鄴觀釁是年司馬聃擒李勢張重
華遣使朝貢

十一年慕容元真死子儁代立

十二年西巡至河而還是年石虎死子世立世
兄遵殺世自立遵兄廕殺遵自立

十三年魏郡人冉閔殺石鑒僭立

十四年帝曰石胡衰滅冉閔肆禍中州紛梗莫
有匡救吾將親率六軍廓定四海乃勅諸部各

率所統以俟大期諸大人諫曰今中州大亂誠
宜進取如聞豪彊並起不可一舉而定若或留
連經歷歲稔恐無永逸之利或有虧損之憂帝
乃止是歲氏苻健僭稱大位自號大秦

十五年慕容儁滅冉閔僭尊號

十六年慕容儁遣使朝貢是年張重華死子曜
靈立重華庶兄祚殺曜靈而自立稱涼公

十七年遣使於慕容儁張祚復稱涼王置百官
遣使朝貢

十八年太后王氏崩是年苻健死子生僭立
姚襄自稱大將軍大單于張瓘宋混殺張祚立
重華少子玄靖稱涼王

十九年春正月劉務桓死其弟闕頭立潛謀反
叛二月帝西巡因而臨河使人招喻闕頭從命
冬慕容雋來請婚許之

二十年夏五月慕容雋奉納禮幣是年苻堅殺
苻生而僭立姚襄爲苻眉所殺

二十一年闕頭部民多叛懼而東走渡河半濟

而冰陷後衆盡歸關頭兄子悉勿祈初關頭之
叛悉勿祈兄弟十二人在帝左右盡遣歸欲其
自相猜離至是悉勿祈奪其衆關頭窮而歸命
帝待之如初

二十二年春帝東巡至於桑乾川三月慕容雋
遣使朝貢夏四月帝還雲中悉勿祈死弟衛辰
立秋八月衛辰遣子朝貢

二十三年夏六月皇后慕容氏崩秋七月衛辰
來會葬因而求婚許之是歲慕容雋死子暉立

遣使致賻

二十四年春衛辰遣使朝聘是年司馬聃死衍子千齡僭立

二十五年帝南巡至君子津冬十月行幸代十一月慕容暉薦女備後宮

二十六年冬十月帝討高車大破之獲万口馬牛羊百餘万頭是年張重華弟天錫殺玄靖而自立

二十七年春車駕還雲中冬十月討沒歌部

破之獲牛馬羊數百萬頭

二十八年春正月衛辰謀反東渡河帝討之衛辰懼而遁走冬十二月苻堅遣使朝貢是歲司馬千齡死弟奕僭立

二十九年夏五月遣燕鳳使苻堅

三十年冬十月帝征衛辰時河冰未成帝乃以葦緝約澌俄然冰合猶未能堅乃散葦於上冰草相結如浮橋焉衆軍利涉出其不意衛辰與宗族西走收其部落而還俘獲生口及馬牛羊

數十萬頭

三十一年春帝至自西伐班賞各有差

三十二年正月帝南幸君子津冬十月幸代

三十三年冬十月征高車大破之是年苻堅

擒慕容暐

三十四年春長孫斤謀反伏誅斤之反也拔丹

向御座太子獻明皇帝諱寔格之傷脇夏五月

薨後以追諡焉秋七月皇孫諱生大赦是年司馬

弈臣桓溫廢弈爲海西公立叡子昱

三十五年司馬昱死子昌明僭立

三十六年夏五月遣燕鳳使苻堅

三十七年帝征衛辰衛辰南走

三十八年衛辰求援於苻堅

三十九年苻堅遣其大司馬苻洛率衆二十万
及生不彤張蚝鄧羌等諸道來寇侵逼南境冬十
一月白部獨孤部禦之敗績南部大人劉庫仁
走雲中帝復遣庫仁率騎十万逆戰於石子嶺
王師不利帝時不豫羣臣莫可任者乃率國人

避於陰山之北高車雜種盡叛四面寇鈔不得
芻牧復度漠南堅軍稍退乃還十二月至雲中
旬有二日帝崩時年五十七太祖即位尊曰高
祖帝雅性寬厚智勇仁恕時國中少繒帛代人
許謙盜絹二匹守者以告帝匿之謂燕鳳曰吾
不忍視謙之面卿勿泄言謙或慙而自殺爲財
辱士非也帝嘗擊西部叛賊流矢中目賊破之
後諸大臣執射者各持錐刀欲屠割之帝曰彼
各爲其主何罪也乃釋之是歲符堅滅張天錫

史臣曰帝王之興也必有積德累功博利道協
幽顯方契神祇之心有魏掩迹幽方世居君長
淳化育民與時無競神元生自天女桓穆勤於
晉室靈應人事夫豈徒然昭成以雄傑之姿包
君子之量征伐四克威被荒遐乃立號改都恢
隆大業終於百六十載光宅區中其原固有由
矣

序紀第一

魏書一